

2022-yil
VI-VII
23-36

Safarbarlik chaqiruvi bo'yicha badal
puli ajratilganligi haqida ma'lumot

2021-yilda:
5799 nafarga 25,5 mlrd. so'm

2022-yilda (hozirgacha):
2794 nafarga 10,4 mlrd. so'm

YOSHLAR OVOZI

**BIZ - KELAJAK
BUNYODKORIMIZ!**

Ijtimoiy-siyosiy, iqtisodiy,
adabiy-badiiy
gazeta

23 (16476)
2022-yil, 23-aprel
shanba

[/yoshlarovozi](#)

[/yoshlarovozi](#)

[/yoshlarovozi.uz](#)

Yoshlar siyosati
2-bet 2757 murojaat
hal etildi

Moliya kundaligi
6-bet

Sof moliyaviy
qiyimatingiz qancha?

Birga o'qiyimiz
7-bet

"Kecha"ning "kunduzi"
qachon yoziladi?



BO'LAJAK YULDUZLAR

"BESH TASHABBUS OLIMPIADASI"

RESPUBLIKA BO'YLAB QIZG'IN DAVOM ETMOQDA

5-betga
qarang ↓

2 757 MUROJAAT HAL ETILDI

Yoshlar muammolarini o'rganishga har bir davrning eng muhim masalasi sifatida qaralib kelingan va bu jarayon bugun o'zining yangi rivojlanish davrini boshdan o'tkazmoqda. Ayniqsa, yoshlar bandligi va bu orqali ularning daromad topishlarini ta'minlash borasida so'nggi yillarda davlatimiz tomonidan qator amaliy choralar olib borilmoqda. Ammo bu borada talay muammolar ham borki, ularni hal etish bo'yicha mas'ul idora vakillarining jonbozligi va vatanparvarligi bugun har qachongidan ham muhimdir.



O'zbekiston Respublikasi Yoshlar ishlari agentligi tomonidan yoshlar murojaatlari bilan ishlash bo'yicha alohida tizim yaratilgan. Jismoniy va yuridik shaxslardan kelib tushgan murojaatlarni shaffof holda adolatli ko'rib chiqish maqsadida yoshlar.gov.uz veb-platformasi hamda 1093 ishonch raqami faoliyati yo'lga qo'yildi. Ijtimoiy tarmoqlar – facebook, instagram va telegram mesenjeri orqali to'g'ridan-to'g'ri murojaat qilish imkoniyati yaratildi.

**1093 ISHONCH RAQAMIGA
3 OY DAVOMIDA QABUL
QILINGAN QO'NG'IROQLAR SONI
85 955 TANI TASHKIL ETMOQDA.**

Agentlikda Yoshlar murojaatlari shtabi faoliyati yo'lga qo'yilgan bo'lib, yoshlar murojaatlari kunlik tahlil qilinib, ijrosi joyiga chiqqan holda manzilli o'rganilyapti. Joriy yilning 3 oyi davomida Yoshlar ishlari agentligiga respublika bo'yicha 3 170 ta murojaat kelib

tushdi. Ularning 24,1 foizi bandlikni ta'minlash, 19,8 foizi kredit va 13,7 foizi yer-joy ajratish, 10,2 foizi tadbirkorlik faoliyatini yo'lga qo'yish, 6,7 foizi subsidiya berish hamda 3 foizi moddiy yordam, ijtimoiy hi-moya va boshqa masalalarda. Shundan 2 757 tasi (87 foizi)ning ijrosi ta'minlangan bo'lib, ularning 1 032 tasi ijobiy hal etilgan.

Masalan, Jizzax shahri "Ittifoq" mahallasida yashovchi fuqaro Xurshida Ahmadova subsidiya asosida tikuv mashinasini so'rab murojaat qilgan. Fuqaroning bandligini ta'minlash maqsadida amaliy yordam ko'rsatilib, 4 million 600 ming so'm miqdordagi tikuv mashinasi subsidiya asosida berilgan.

Ohangaron shahri "No'g'ayqo'rg'on" mahallasida yashovchi Durdona Erjanovaning murojaati ham o'rganilib, u subsidiya asosida 8 million 288 ming so'm miqdordagi kompyuter jamlanmasiga ega bo'ldi. Marg'ilon shahrida yashovchi Sherall Dehqonov esa xizmat ko'rsatish tizimini yo'lga qo'yish maqsadida chang yutgich



Javohir SHAMSUTDINOV,
Yoshlar ishlari agentligi jismoniy va yuridik shaxslarning murojaatlari bilan ishlash bo'limi boshlig'i.

va "moyka" uskunalarini so'rab murojaat qilganida uning ham talabi ijobiy hal etildi.

Biroq 154 ta murojaat qonun talablariga zid bo'lganligi uchun rad etilgan. 1181 ta murojaat masalasiga qarab turli instansiyalarga atroficha ko'rib chiqish va hal etish uchun yuborilgan. Qolgan 336 ta murojaat yechimi bo'yicha belgilangan chora-tadbirlar ijrosi Yoshlar murojaatlari shtabi tomonidan alohida nazorat qilib borilmoqda.

Bundan tashqari, hisobot davrida Yoshlar murojaatlari shtabi tomonidan amalga oshirilgan monitoring natijasida hududlarda yoshlar murojaatlari bilan ishlashda sustkashlikka yo'l qo'yish holatlari aniqlanib, agentlikning hududlardagi 27 nafar rahbarlariga intizomiy jazo choralarini qo'llanildi.



VOLONTYOR – YORDAMGA TAYYOR!

Odamlarga yaxshilik qilish, bir-biriga ko'maklashish, yiqilganni suyash, favqulodda holatda hozir-u nozir bo'lish o'zbek xalqiga xos fazilat. Koronavirus, "sardoba" suv ombori to'g'onining o'pirilishi kabi talafotlarda ham buning isbotini ko'rgandik. Bunday vaziyatlarda yoshlarimiz ham yelkama-yelka turib ko'maklashmoqda.

Kuni kecha Jizzax viloyatida yuz bergan tabiiy ofat – sel toshqinida ham buning amaliy isbotini ko'rdik. Bunday fors-majar vaziyatda fuqarolarimizga favqulodda yordam ko'rsatish uchun Yoshlar ishlari agentligi tomonidan zudlik bilan 305 nafar yoshlardan iborat volontyorlik guruhlarini tuzilib, xonadonlar atrofi va ichida to'planib qolgan yomg'ir suvlari chiqarib tashlandi.

Ko'ngillilar talafot yetgan barcha hududlarda bo'lib, aholi va ularning xonadonlarida zarur amaliy ishlarni olib borishyapti. Turli chiqindiga aylangan buyumlardan tozalash hamda jabrlanganlarga oziq-ovqat mahsulotlari, kiyim-kechak, o'quv qurollari va boshqa kundalik ehtiyojlar uchun zarur anjomlarni topshirishga ko'aklashmoqda.

Elyor NORPO'LATOV,
Yoshlar ishlari agentligi bosh mutaxassisi



DONISHMAND QARIYALAR

intiluvchan yoshlar uchun


Keksalik umrning eng donishmand fasli. Qariyalar esa jamiyatning bebaho boyliklaridir. Davlatimiz rahbarining 2022-yil 19-yanvardagi qaroriga asosan mahallalarda yoshlar bilan ishlash uchun qariyalar ham jalb etilayotgani meni juda quvontirdi.

To'lg'in QOZOQBOYEV,
Yoshlar ishlari agentligi qoshidagi Faxriylar kengashi a'zosi,
faxriy jurnalist

Yoshlar ishlari agentligi qoshida Faxriylar kengashi ham tuzildi. Kengashning ilk yig'ilishida agentlik direktorining o'rinbosari Dilnozaxon Kattaxonova yoshlar ta'lim-tarbiyasi, ma'naviyati, hayotda to'g'ri - namunal yashashni o'rganishida biz, faxriylarning ibratimiz nihoyatda zarurligini aytganda jamiyat uchun kerak ekanimizni chuqur his etib, bundan boshimiz ko'kka yetdi.

Uchrashuvda Faxriylar kengashi a'zolari tasdiqlandi va ularning vazifalari belgilandi. So'zga chiqqanlar tarbiya borasida nimalar muhimligi, nimalarga e'tibor berish kerakligi, yoshlarning qiziqishiga oid ishlar haqida fikr va mulohazalari bilan o'rtoqlashdi. Yig'ilganlarning qalbi jo'sh urib, Vatanimizga xizmat qilish, o'zlikni anglash vaqti kelganini qatban his qildi. Qariyalarimiz ko'z oldiga yoshlik damlari kelib, yoshlar bilan birga bo'lishdek baxtga erishgandan xursand bo'ldi.

So'z olganlar o'zini o'zbekman deydi, ammo ruscha gapiradigan yoshlarimiz ko'payib ketayotganini afsus bilan tilga oldi. Yoshlarimiz orasida ko'p til biladiganlar ko'pligi quvonarli, ammo o'z ona tilini bilmay, uni chuqur



o'rganmay turib o'zbekman deyishi kulgiga sabab emasmi?! Tarbiyaning hali bo'shligidan dalolat emasmi bu?! Ulug'lirimiz bir necha tillarni bilgan va ular kam bo'lmagan. Demak, bugungi yoshlarimiz ham, eng avvalo, o'z ona tilini, keyin boshqa bo'lsa tarbiyamizdagi nuqsonlar yo'qoladi. Yana bitta nuqson - bu har bir o'smirning qo'lidagi kitob o'rniga qimmatbaho "sotka"lar. Mayli, zamon talabi bu ham, lekin bolalar undan oldin qo'lga kitob olsin, undagi hikmatlarni o'rgan-sin, degan takliflar ham zamon ruhiga mosdir.

”

**BUGUNGI YOSHLARIMIZ
HAM, ENG AVVALO,
O'Z ONA TILINI, KEYIN
BOSHQA TILLARNI
O'RGANISHI
SHART.**

Yoshlar tarbiyasi muhimligi haqida ko'p gapiriladi. Menimcha, takror bo'lsa ham, gapirishdan charchamasligimiz kerak. Chunki imoratning poydevori mustah-

kam bo'lsa, yomg'ir, qor-u zilzilaga ham bardoshli bo'ladi. Bolada bu poydevorni bunyod etish ona qornidan boshlanadi. Hali tug'ilmasidan bolaga alohida parvarish kerak. Chaqaloq dunyoga kelgach, go'zal tarbiya bilan birga unga chiroyli surat va rasmlarni ko'p ko'rsatish ona zimmasida. Bolalik davrida u "G'uncha", sal ulg'aygach "Gulxan" jurnali va "Tong yulduzi" gazetasini, albatta, o'qishi kerak. O'qishni bilmagan taqdirda rasmlarini ko'rsin. Yaxshi rasm va matnlar bolaning esida qoladi. Ayniqsa, ertaklar, she'rlar, lloji bo'lsa, ularni yodlasin. Agar 14-15 yoshga yetgan o'g'il-qizlarimiz bir necha she'r aytolmasa, rasm chiza olmasa, chiroyli so'zlar bilan gaplasha olmasa, bunga biz, kattalar aybdormiz.

Shu bois anjumanda men Yoshlar ishlari agentligi rahbariyatidan tegishli mutasaddi idoralar bilan kelishgan holda bu nashrlarning maktab kutubxonalariga yetib borishini ta'minlashda bosh-qosh bo'lishini so'radim.

Faxriylar yana qator dolzarb masalalarni muhokama etib, zarur vazifalarni belgilab oldi. O'ylaymanki, bu xayrli ishlar, albatta, o'z samarasini beradi. Bu borada barcha faxriylarga, agentlik mutasaddilariga tashakkurimni bildiram.

YOSHLAR YETAKCHISI QASHQADARYOLIK SARDORLAR BILAN

Kuni kecha Yoshlar ishlari agentligi direktori Alisher Sa'dullayev va Qashqadaryo Sardorlari ishtirokida Kasbi tumanidagi "Qamashi" mahallasida "Yashil makon" umummilliy loyihasi doirasida daraxt ekish aksiyasi o'tkazildi.

Loyiha davomida A.Sa'dullayev Qashqadaryo sardorlari bilan suhbatlashib, ularga o'z maslahat va tavsiyalarini berdi. Aksiya doirasida 60 nafar sardor 20 sotix yer maydoniga 200 tupdan ortiq manzarali ko'chat o'tkazdilar.



IMKONIYAT



Ijtimoiy himoyaga muhtoj, kam ta'minlangan va mehnat migrantlari oilalarining a'zolari, nogironligi bo'lgan shaxslar uchun bepul ta'lim olishda qo'shimcha imkoniyatlar belgilangan.

Imtiyozga da'vogarlar:

- ijtimoiy himoyaga muhtoj;
- kam ta'minlangan va mehnat migrantlari oilalarining a'zolari;

- nogironligi bo'lgan shaxslar;
- ishsiz va band bo'lmagan aholi.

Mehnat organlari yo'llanmasi asosida ishsiz va band bo'lmagan aholini quyidagi xarajatlari Bandlikka ko'maklashish davlat jamg'armasi mablag'lari hisobidan qoplab beriladi:

- tadbirkorlik ko'nikmalari va xorijiy tillarga o'qitish, kasb-hunarga tayyorlash, qayta tayyor-

lash va malakasini oshirish xarajatlari har bir tahsil oluvchi uchun bir oyda bazaviy hisoblash miqdorining 4 baravarigacha;

- "Usta-shogird" an'anasida asosida milliy hunarmandchilikka o'rgatish bilan bog'liq bo'lgan xarajatlari har bir tahsil oluvchi uchun bir oyda bazaviy hisoblash miqdorining 1 baravarigacha.

Talabgorlar tuman va shahar Aholi bandligiga ko'maklashish markazlariga murojaat qilishlari lozim. Arizalar o'n besh kun ichida, qo'shimcha o'rganish (tekshirish, qo'shimcha hujjatlarni so'rab olish talab etilganda) esa bir oygacha muddatda ko'rib chiqiladi.

Mazkur imtiyozlardan foydalanish uchun nomzodlarning yoshi chegaralanmagan.

YETAKCHILAR REYTINGI:

KIM QAYSI SOHADA ILG'OR?

Iqbol PARDAYEVA,
"Yoshlar ovozi" muxbiri

Toshkent viloyatining 1020 ta mahallasidagi har bir yoshlar yetakchisiga samarali faoliyat yuritishi uchun zarur sharoitlar yaratilmoqda. Hujjat ishlari masofadan turib bajarishlari uchun planshetlar bilan ta'minlandi. Planshetlar "Yoshlar daf-tari" va "Yoshlar portali" elektron platformasiga ulangan.

Shu bois viloyat yetakchilari yoshlarni ish bilan band qilish, bo'sh vaqtini mazmunli tashkil etishda yuqori ko'rsatkichlarga erishib kelmoqda. Bugun ana shunday faol yetakchilar faoliyatiga nazar tashlaymiz.

ISHLAB CHIQUARISH KORXONASI OCHILADI

Navbatdagi qahramonimiz **Tolibjon Tursinboyev** Piskent tumanidagi "Lolaariq" mahallasi yoshlariga yetakchilik qiladi.

– Xatlov orqali ishsiz va ijtimoiy muhofazaga muhtoj, iqtidorli va tadbirkorlikka qiziqishi bor yoshlar ro'yxatini shakllantirib oldik, – **deydi Tolibjon Tursinboyev.** – Ularning bir qismiga imtiyozli kreditlar ham ajratildi. Yosh dehqonimiz daromad olish pallasida bo'lsa, chorvadorimiz 17 bosh naslli qo'y olib boqyapti. Ularga havas qilgan yoshlarimizning aksariyati o'z biznes loyihalari ustida ishlashmoqda.

Tadbirkorlik qilish istagida bo'lgan yoshlarning biznes ko'nikmalarini oshirish maqsadida tumanimizdagi "Darmom Medical Center", "Jahongir Busines Gold", "Ahmedov Marufxon", "Dilorom Galereyasi" kabi tadbirkorlik subyektlariga olib bordik. Katta tajribaga ega ishbilarmonlar bilan suhbat qilgan yoshlar biznes-reja tuzishda nimalarga ahamiyat berish kerakligi haqida tushunchalarga ega bo'ldi. Natijada yaxshi biznes g'oya ishlab chiqqan yana ikki nafar yoshga imtiyozli kredit ajratish arafasida turibmiz. Kredit olish istagini bildirgan yoshlardan biri chiqindini qayta ishlaydigan kichik korxonaga faoliyatini, yana biri uzum bog'lari uchun beton ustunlar ishlab chiqarishni yo'lga qo'ymoqchi.



QIZIL MAHALLALAR SONI
382 TA (37,5%);

SARIQ MAHALLALAR SONI
556 TA (54,8%);

YASHIL MAHALLALAR SONI
76 TA (7,45%).

100 NAFAR YOSH DOIMIY ISH O'RNIGA EGA BO'LADI

Oqqo'rg'on tumanidagi "Guliston" mahallasi yoshlar yetakchisi **Azamat Namozov** o'z hududida bo'sh ish o'rinlari yaratishga alohida e'tibor berayotir. Uning fikricha, qancha ko'p bo'sh ish o'rnini ochilsa, mahalla yoshlari boshqa joylardan ish qidirib sarson bo'lmaydi. Ayniqsa, ishi o'z uyi yaqinida bo'lgan xotin-qizlar xotirjam ishlashi mumkin.

– Mahallamiz aholisining 731 nafari 16–30 yoshlilar bo'lib, ularning 78 nafari ishsiz deb topildi, – **deydi Azamat Namozov.** – Ularning bandligini taminlash uchun hududimizda bo'sh turgan binoni tikuv sexi qurmoqchi bo'lgan tadbirkorimizga taklif etdik. Taklifimiz tadbirkorga ma'qul kelgach ishga kirishildi. Hozir bino ta'mirlanib, tikuv mashinalari va ish yuritish uchun zarur asbob-uskunalarini o'rnatish ishlari olib borilyapti. Tez kunda tikuvchilik seximiz ishga tushirilib, 100 nafar mahallamiz yoshlari doimiy ish o'rniga ega bo'ladi.

TOSHKENT VILOYATI BO'YICHA MAHALLADAGI YOSHLAR YETAKCHILARI UCHUN 14 BANDDAN IBORAT TALABLAR ISHLAB CHIQILIB, 1020 TA MAHALLA QIZIL, SARIQ, YASHIL TOIFALARGA AJRATILDI.



Olib borilgan amaliy ishlar natijasida 298 ta mahalla qizil toifadan chiqarildi. Ikkinchi chorak yakuniga qadar barcha mahallalarni qizildan chiqarish, yil oxirigacha esa 1020 ta mahallaning hammasini yashilga o'tkazish rejalashtirilgan.

Mazkur natijaga erishish, albatta, oson bo'lmaydi. Bunda viloyat yetakchilaridan katta mas'uliyat, tashabbuskorlik va mehnat talab qilinadi.


Ular bildirilgan ishonchni chuqur his qilib, yoshlar bilan ishlashda yangicha yondashuv va g'oyalarni amaliy harakatga aylantirishi lozim.

YANGI LOYIHA

Zangiota tumanidagi "Bog'zor" mahallasi yoshlariga yetakchilik qilayotgan **Shohsanam Meliqo'ziyeva** yoshlarning bo'sh vaqtiga mazmun olib kira olgani bilan ajralib turadi.

– Yoshlar bandligini ta'minlash bilan birga, bo'sh vaqtini mazmunli tashkil etishga alohida e'tibor qaratib kelyapmiz, – **deydi Shohsanam Meliqo'ziyeva.** – "Sadoqat" bog'i hamda 35-maktab kutubxonasida "Kitob o'qish uchun bir kun" loyihasini o'tkazib, yoshlar o'rtasida kitobxonlikni ommalashiryapmiz. Mazkur bog'da kutubxonadan tashqari, musiqa va aktyorlik mahorati to'garaklari faoliyati ham yo'lga qo'yildi. O'g'il-qizlar ushbu to'garaklarda turli cholg'u asboblarni chalishni o'rganyapti.

Yoshlarni teran fikrlashga o'rgatuvchi "Zakovat", shaxmat-shashka kabi intellektual musobaqalarni ham muntazam o'tkazib kelyapmiz. Kechki soat 17:00 dan 23:00 ga qadar maktablarda yoshlarning sport bilan shug'ullanishlari uchun imkoniyat yaratib berilgani ular orasida sog'lom turmush targ'ibotiga xizmat qilmoqda.



BO'LAJAK YULDUZLAR



Sakkizta yirik tanlov va musobaqani o'z ichiga olgan "Besh tashabbus olimpiadasi" respublika bo'yab qizg'in davom etmoqda. Bahslar yoshlar o'rtasida g'alabaga intilish, do'stona raqobat muhitini yaratishga xizmat qilmoqda.

Kecha "Yoshlar ovozi" tanlovining Xorazm viloyati bosqichida 10-15, 16-22, 23-30 yosh toifalari bo'yicha 122 nafar iste'dod egasi bahshichilik, an'anaviy ijro, opera va estrada yo'nalishlarida iste'dod va mahoratini sinovdan o'tkazdi.

Xorazm - xushovoz xonandalar yurti. Bu diyorda san'atga muhabbat avvaldan yuqori bo'lib kelgan. Shu bois tanlovning viloyat bosqichi ko'tarinki kayfiyatda o'tdi. Zo'rlar ichidan zo'rlarini tanlab olish qiyin kechgan bo'lsa-da, munosiblar e'tirof etildi.

Tanlov yakunida uchta yosh toifasi bo'yicha g'oliblikni qo'lga kiritgan yoshlar respublika bosqichiga yo'llanma oldi.

Namangan viloyatida tanlovning quyi - mahalla, sektor, tuman bosqichlarida 21 mingga yaqin yosh ishtirok etdi. Ular orasidan saralanib, viloyat bosqichiga yetib kelgan 90 nafar shirali ovoz sohiblarining bellashuvi yanada murosasiz bo'ldi.

Shubhasiz, bu tanlov mamlakatimizning barcha nuqtalaridagi san'atga qiziquvchi iste'dodli yoshlarni yuzaga chiqarish uchun zo'r vosita bo'lmoqda. Namangan yoshlari ham imkoniyatdan unumli foydalanган holda o'z mahoratlari ni sahnada namoyon qilishdi. Ular orasida eng zo'rlari bunga loyiq ekanligini isbotlash uchun respublika bosqichiga yo'l oladi.


Tanlov g'oliblari va ishtirokchilar tashkilotchilarning qimmatbaho sovg'alari, maxsus diplom va faxriy yorliqlar bilan taqdirlandi.

Lobar QODIROVA

"MEHR BAYRAMI"

Bahoriy bayram tomoshalarida xalqimizning qadimiy urf-odat, milliy an'ana va marosimlari namoyish etiladi. Shu tariqa milliy merosimiz avloddan avlodga o'tib boraveradi. Poytaxtimizning Mirzo Ulug'bek tumanidagi 205-maktabda o'tkazilgan "Mehrbayrami" shunday milliy ruh bilan yo'g'ildi.

Bezatilgan sahnada ko'rkam liboslardagi o'g'il-qizlar yasharish faslini madh etuvchi kuy-qo'shiqlar kuylashdi, bahoriy taomlarning foydalari va tayyorlanishi haqida maroq bilan so'zlashdi. Shuningdek, bolalar ko'klam bilan bog'liq afsona va rivoyatlar aks etgan sahnalarni mahirona ijro etishdi.



Muhabbat XO'JAMURODOVA

"QUVNOQLAR VA ZUKKOLAR" RESPUBLIKA TANLOVI
5

TANLOV SHARTLARI

- "Tanishuv" sharti
- "Olsaqa hazillar" sharti
- "Musiqiy chiqish" sharti
- "Vatan madhi" sharti

MAS'UL VAZIRLIK VA IDORALAR

TANLOV YOSH TOIFASI

16 YOSH DAN

30

YOSH GACHA

TANLOV BOSQICHLARI, O'TKAZILADIGAN MUDDATI VA JOYI

MAHALLA BOSQICHI	26-APREL	MAHALLADAGI	TV
SEKTOR BOSQICHI	4-MAY	SEKTORDAGI	Tanlovning hududiy va respublika bosqichlari televidion formatda o'tkaziladi
TUMAN (SHAHAR) BOSQICHI	14-MAY	MADANIYAT markazida	Tanlovda 250 MING dan ortiq yoshlar qamrab olinishi kutilmoqda
HUDUDIY BOSQICHI	30-MAY	YOSHLAR markazida	Tanlovda ishtirokchilar @YOSHLARMUROJAATI_BOT orqali ro'yxatdan o'tadi
RESPUBLIKA BOSQICHI	25-IYUN	TOSHKENT shahridagi Turkiston saroyida	Xarajatlar hududiy "YOSHLAR DAFTARINI" jamg'armasidan ajratiladigan mablag'lar hisobidan moliyalashtiriladi

1 MAHALLA BOSQICHI 26-APREL

- 1 Mahallada joylashgan ko'chalar kesimida tanlovda ishtirok etmoqchi bo'lgan 16-30 yoshdagi (11 nafar) jamoa shakllantiriladi va jamoalarning artzolari telegramdagi @yoshlarmurojaati_bot yoki mahalla yetakchisi orqali qabul qilinadi
- 2 Mahalla bosqichida g'olib bo'lgan jamoa tanlovning keyingi bosqichiga yo'llanmani qo'lga kiritadi

2 SEKTOR BOSQICHI 4-MAY

- 1 Mahalla bosqichida g'olib bo'lgan jamoalar sektor bosqichida o'zaro bellashadi
- 2 Sektor bosqichida g'olib bo'lgan jamoa tanlovning keyingi bosqichiga yo'llanmani qo'lga kiritadi

3 TUMAN (SHAHAR) BOSQICHI 14-MAY

- 1 Tuman (shahar) bosqichida sektor bosqichida g'olib bo'lgan jamoalar o'zaro bellashadilar
- 2 Tuman (shahar) bosqichida g'olib bo'lgan jamoa tanlovning keyingi bosqichiga yo'llanmani qo'lga kiritadi

4 HUDUDIY BOSQICHI 30-MAY

- 1 Hududiy bosqichida tuman (shahar) bosqichida g'olib bo'lgan jamoalar o'zaro bellashadilar
- 2 Hududiy bosqichida g'olib bo'lgan jamoa tanlovning keyingi bosqichiga yo'llanmani qo'lga kiritadi

5 RESPUBLIKA BOSQICHI 25-IYUN

- 1 Hududiy bosqichida g'olib bo'lgan ishtirokchilar yakuniy bosqichida o'zaro bellashadi
- 2 Tanlov Toshkent shahridagi Turkiston saroyida o'tkaziladi
- 3 Tanlov g'oliblari gala-konsert dasturida taqdirlanadi

Muhtariylarning moliyaviy savodxonligini oshirish maqsadida gazetimizda yangi – “Moliya kundaligi” rukni yo'lga qo'yilmoqda. Bu yerda moliyaviy bilimlar, soha mutaxassislari va tashkilotlar faoliyati haqida turkum materiallar berib boriladi.

Nurillo TO'XTASINOV,
Bank-moliya akademiyasi
MBA magistranti

SOF

BOYLIK QIYMATINGIZ QANCHA?



Ilk maqolada sof boylik qiymatingizni bilish mavzusida suhbatlashamiz.

Sizning sof boylik qiymatingiz – aktivlaringizning majburiyatlarigizdan ortgan miqdori. Oddiy qilib aytganda, sof moliyaviy qiymat egalik qilayotgan mulkingiz va qarzingiz o'rtasidagi farq. Agar aktivlaringiz miqdori majburiyatlarigizdan oshsa, siz ijobiy sof qiymatga egasiz. Aksincha, majburiyatlarigizdan aktivlaringizdan katta bo'lsa, sizda salbiy sof qiymat mavjud.

Sof qiymatingiz hozirgi vaqtda g moliyaviy ahvolingizning qisqacha tasvirini beradi. Uni har chorak yoki yilda bir tahlil qilib borish moliyaviy ahvolingizni yaxshilaydi yoki mazmunli qiladi. Jumladan, o'zingizning sof qiymatingizni hisoblash orqali hozirgacha ishlab topgan va sarflaganlaringizning yakuniy natijasini ko'rasiz.

SOF QIYMAT

Aktivlar naqd pulga aylantirish mumkin bo'lgan shaxsiy mol-mulkdir. Masalan, investitsiyalar, bank va brokerlik hisoblari, pensiya jamg'armalari, ko'chmas mulk va shaxsiy mulk (avtomobillar, zargarlik buyumlari va kolleksiyalar) va, albatta, naqd pulning o'zi. Shaxsiy ijtimoiy tarmog'ingiz kabi nomoddiy obyektlar ham ba'zan aktivlar deb qaraladi. Sizning majburiyatlarigiz esa kreditlar, ipotekalar, kredit karta qarzlari, tibbiy to'lov va boshqa shu kabi qarzlaringizni ifodalaydi. Sizning aktivlaringiz va majburiyatlarigizning umumiy qiymati o'rtasidagi farq sizning sof qiymatingizdir.

Sof qiymatni real baholash uchun aktivlarga qiymat qo'yishda konservativ hisob-kitoblar zarur. Masalan, sizning uyingiz eng qimmatli aktivingiz bo'lib, moliyaviy ahvolingizga sezilarli ta'sir ko'rsatadi. Hududingizdagi yaqinda sotilgan shunga o'xshash uylar bilan taqqoslash yoki malakali ko'chmas mulk

bo'yicha mutaxassis bilan maslahatlashish orqali uyniing aniq qiymati aniqlanadi.

Yana bir masala, shaxsiy turarjoylar sof qiymatni hisoblash uchun aktiv sifatida ko'rib chiqilishi kerakmi yoki yo'qmi, degan bahslar mavjud. Ba'zi moliya ekspertlariga ko'ra, uyni kapital va uning bozor qiymatini aktiv deb hisoblash lozim, chunki bu qiymatlar sotilgan taqdirda naqd pulga aylanadi.

Boshqa mutaxassislar fikricha, agar uy egasi uyni sotishdan naqd pul olgan bo'lsa ham, bu pul boshqa uyni sotib olish yoki ijaraga olish uchun ketishi kerak. Bu mohiyatan naqd pul yangi majburiyatga – uy-joyni almashirish qiymatiga aylanishini anglatadi.

BU NIMA DEGANI?

Sof qiymat ko'p narsadan so'zlaydi. Agar ko'rsatkich salbiy bo'lsa, bu sizning haddingizdan ko'ra ko'proq qarzdor ekanligingizni anglatadi.

Misol uchun, aktivlaringiz shartli 200 000 000 so'mga teng bo'lib, majburiyatigiz 100 000 000 so'm bo'lsa, siz 100 000 000 so'm ijobiy sof qiymatga egasiz. Aksincha, aktivlaringiz 100 000 000 so'mga teng bo'lsa-yu, majburiyatlarigiz 200 000 000 so'mdan oshsa, siz minus 100 000 000 so'm (100 000 000 – 200 000 000 = –100 000 000) salbiy sof qiymat egasiz. Demak, hozir sizda aktivlardan ko'ra majburiyatlar ko'proq.

amal qiladigan umumiy “ideal” sof qiymatni aniqlash qiyin. Buning o'rniga siz o'zingizning ideal qiymatingizni – yaqin va uzoq muddatli kelajakda qay holatda bo'lishni xohlayotganingizni aniqlashingiz kerak bo'ladi. Agar siz buni qanday boshlashni bilmasangiz, “maqsadli” sof qiymatni aniqlashda quyidagi formulani taklif etamiz.

Maqsadli sof qiymat=[Sizning yoshingiz-25]• $\frac{1}{2}$ •Yillik yalpi daromad]

Masalan, yillik yalpi daromadi 75 000 AQSH dollari bo'lgan 50 yoshli odam 375 000 dollarlik sof boylikka intilsa bo'ladi ([50-25 = 25] x [75 000÷5 = 15 000 AQSH dollari]). E'tibor bering, bu 50 yoshli barcha odamlar bir xil boylikka ega bo'lishi kerak degani emas. Formuladan oddiygina boshlang'ich nuqta sifatida foydalanish mumkin. Sizning ideal sof qiymatingiz turmush tarziningiz va maqsadlaringizga qarab yo'riqnomada ko'rsatilgan miqdordan ancha ko'p yoki kamroq bo'lishi mumkin.

OQILONA SARFLANG

Sof boylik qiymatingizni bilish xarajatlaringizni nazorat qilish va barqarorlashtirish imkonini beradi. Diqqat qiling, biror narsani sotib olishga qodirligingiz uni sotib olishingiz kerak degani emas. Qarzdorlikdan saqlanish uchun biror narsa xarid qilishdan oldin u chindan zarur ekanligini o'ylab ko'ring. Ko'pincha odamlar ehtiyojini noto'g'ri tahlil

qiladi. Xususan, 500 dollarlik poyabzal oyoq kiyimga bo'lgan ehtiyojni qondiradi, ammo arzonrogi ham shu vazifani bajara oladi. Ehtiyojni to'g'ri baholash sizni to'g'ri moliyaviy yo'nalishda ushlaydi.

SAQLASH VA

INVESTITSIYA QILISH

Agar sizning sof boylik qiymatingiz moliyaviy maqsadlaringizga erishish yo'lida ekanligingizni ko'rsatsa, qilayotgan ishingizni davom ettirishingiz lozim. Aksincha bo'lsa, (masalan, vaqt o'tishi bilan sizda kamayib borayotgan aktivlar va o'sib borayotgan majburiyatlar bo'lsa), sizdan pulingizni tejash va investitsiya qilishda ehtiyotkor yondashuv talab etiladi.

SOF DAROMAD VA QIYMAT O'RTASIDAGI FARQ

Agar siz ishlasangiz yoki biznes bilan shug'ullansangiz, daromad olasiz. Sizning sof daromadingiz soliqlar va ish haqi ajratmalaridan qolgan summadir. Sof qiymatingiz esa siz egalik qilgan narsalarning umumiy qiymatidan barcha qarz-majburiyatlarigizni chegirib tashlaganingizda qoladigan farqdir.

LIKVID SOF QIYMAT NIMA?

Likvid sof qiymat – bu zargarlik buyumlari yoki mulk, ya'ni osonlik bilan naqd pulga aylantirishi mumkin bo'lgan sof qiymatingizning bir qismi.



QIMMATLI QOG'OZLAR BOZORI KABI SIZNING SOF QIYMATINGIZ HAM O'ZGARIB TURADI. IDEAL HOLDA SIZNING SOF BOYLINGIZ YOSHINGIZ ULG'AYGANI SARI O'SISHDA DAVOM ETADI – QARZNI TO'LASH, UYINGIZNING O'Z KAPITALINI QURISH, KO'PROQ AKTIVLARGA EGA BO'LISH VA HOKAZO.

Har bir insonning moliyaviy ahvoli va maqsadlari o'ziga xos bo'lgani sababli hamma uchun



ISHLAB PUL TOPING

ISHLAB PUL TOPING

“Bilim uchun 100 million” loyihasining 3-tur savollari @bilimtestbot telegram botida e'lon qilindi. Mazkur olimpiadada ishtirok etish uchun hali ro'yxatdan o'tmagan yoshlarda hozir ham imkon bor.

3-tur savollarini 25-aprelga qadar o'zingizga qulay soatda tarmoqqa kirib, ishlashingiz mumkin. 1- va 2-turda ishtirok etmagan bo'lsangiz ham 3-turda qatnashish huquqiga ega bo'lasiz. @bilimtestbotda ro'yxatdan o'ting va test ishleng.

Ma'lumot uchun, olimpiadaning 1- va 2-turda 108 088 nafar ishtirokchi qatnashdi. Hozirda finalgacha bo'lgan bosqichlarda faol ishtirok etgan va yuqori natija qayd etgan ishtirokchilarni taqdirlab borish rejalashtirilayapti.

“KECHA”NING “KUNDUZI” QACHON YOZILADI?

Loyiha muallifi:
Ziyoda RAHIMBOYEVA,
“Yoshlar ovozi” muxbiri




Papiros qutisiga she'r yozib, markaziy idoralardan biriga tashlab ketgan shoir haqida eshitganmisiz? (Batafsil K.Aliyevning 1927-yil 12-oktabrda “Qizil O'zbekiston” gazetasida chop etilgan “Aqli jinni” maqolasida.)

Ham nasr, ham nazm, ham dramaturgiyada birdek ijod qilgan, 1913-1914-yillarda adabiyot olamiga “Qalandar”, “Andijonlik” taxalluslari bilan kirib kelgan va tong yulduzi kabi zulmatda “yarq” etib ko'zga tashlangan bu iste'dodga Munavvarqori Abdurashidxonov munosib taxallus tanlaydi – CHO'LPON! Bugun siz bilan adabiyotimiz yorug' yulduzining “Kecha va kunduz” asari haqida har qayerda ham aytilavermaydigan, uchratish qiyin bo'lgan ma'lumotlar haqida suhbatlashamiz, bahs-munozara qilamiz, savollar beramiz va birga javob izlaymiz.

QIYIN VA KAMYOB NASHR

Asarning yozilishidan to chop etilishigacha bo'lgan taqdiri: 1934-yil – asar yozib tugallandi, 1935-yil – “Sovet adabiyoti” jurnalining 1-sonida e'lon qilindi. Nihoyat, 1936-yilning oxiriga kelib roman ko'plab qiyinchiliklar bilan kitob holida chop etildi. 1937-yilning avgustida Cho'lpon hibsga olingach matbuot bu haqda qayta “og'iz ochmadi”.



2-QISM BADIY NIYAT EDI... (MI?)

“Kunduz” deb nomlanishi kerak bo'lgan bu kitob haqida aniq ma'lumotlar deyarli yo'q. Lekin bu bizni taxmin va tasavvur qilish imkoniyatidan ayira olmaydi. Asarning ikkinchi qismi, albatta, yozilishi kerak bo'lgan va, balki, yozilgandir ham. Bu xulosani biz Zebi, ayniqsa, Miryoqub obrazlariga tayanib ayta olamiz.

ZEBI FOJIASI

Asardagi Razzoq so'fi va Qurvonbibi kabi ota-onalar, Zebiga o'xshash farzandlar, umuman oilalar taqdiri o'sha davr ijtimoiy-siyosiy hayotida juda ko'p uchragan. Jadidlarning bosh maqsadi ham so'nggi qurbonni asrab qolish va keyingi fojiani oldini olish edi. Mudrab qolganlar o'z vaqtida uyg'onishi uchun ham asarda Razzoq so'fining ko'zlari tirnab ochildi.



O'QING, UQING, SAVOLLARGA JAVOB YO'LLANG VA MUKOFOT EGASIGA AYLANING!!!

Endi esa oramizda asarga qiziqib qolgan va hali o'qib chiqishga ulgurmagam yoshlarni mutolaaga undaymiz, nafaqat o'qib, balki uqib, tayyorlagan savollarimizga to'g'ri va to'liq javob berib, tahriratning sovg'asiga ega bo'lish imkonini qo'ldan chiqarmang! Demak, bizning savollar:

MUHOKAMA UCHUN 4-5 KISHI

Roman yozib tugallanib, taqdim etilgach, rasmiy adabiy jamoatchilikning harakatsizligi tufayli Yozuvchilar uyushmasida Cho'lponning romani qo'lyozmasi muhokama qilinishi istakligicha qolib ketdi. Romanni muhokama uchun o'qish jarayonida boryo'g'i 11 kishi, 2-qismning o'qilishida 7 kishi qatnashgan bo'lsa, 3-qism muhokamasiga 4-5 kishidan boshqa hech kim kelmadi.

- Qaysi obrazga qarata “Ko'rgazmaga qo'yilaturgan antiqa mahluqlardan edi” deb ta'rif beriladi?
- Asardagi “Suv bo'lmasa, tayammumga yaraydigan” ashulachi?
- Kimning otasi mingboshining yer-suviga, davlatiga qiziqib, “yax”, (yo'q) deb turib oldi?
- Qaysi xabarni eshitganda “Ikkala kundoshning ko'zlari birdaniga, o'g'il ko'rganini xabar olgan otaning ko'zlariday ravshan bir olov bilan charaqladi”?
- Akbaralini oddiy kiyimda ko'rganlar kim deb o'ylaydi?
- Rus to'ralari qaysi adibning asaridan ham so'zda, ham ishda juda yaxshi xabardor edilar?
- Mingboshi kimni “kofir”ning va “orus”ning bolasi ekaniga qaramay, mahkam bag'riga bosib, o'pdi?
- Miryoqub qaysi holatga bezovta bo'laversa, 4 kunda sil bo'lib qolishi mumkinligi aytilgan?
- Noib To'ra Akbaralini chaqirtirib, suhbat davomida “Yurtning esli, obro'li odamlari” deganda kimni nazarda tutdi?
- Kim Zebini “Ovozi Dovud payg'ambarniki singari” deb ta'riflaydi?
- Jadidlar tomonidan haftada ikki bor zo'rg'a chiqariladigan gazetada chop etilgan Akbarali mingboshi haqidagi tanqidiy maqola muallifi kim edi?
- Jadidlar qaysi mingboshini “osmonga ko'tarib, maqtab yozishadi”?
- Umrda ko'rmagan 10 so'mlik pulning naqshlariga qarab Qurvonbibi nimalarni o'yladi.

Javoblar joriy yilning 10-may sanasiga qadar yoshlar-ovozi@mail.ru elektron pochta manziliga yuborilishi kerak.

ISHONCHLI AXBOROT MANBAYI

Shayxontohur tumanidagi “Olmazor” mahallasida mamlakatimizda 2023-yili aholini ro'yxatga olishga bag'ishlangan seminar bo'lib o'tdi.

Seminarda Toshkent shahridagi statistika bo'limlari mutaxassislari aholini ro'yxatga olishga tayyorgarlik ko'rish va uni o'tkazish chora-tadbirlari to'g'risida tushunchalar berdi. Bu umumdavlat miqyosidagi keng ko'lami tadbir bo'lib, aholi to'g'risidagi ishonchli axborot manbayi hisoblanadi.

Uchqun KARIMOV,
Uchtepa tumani statistika bo'lim boshlig'i



TIL BILIMI

“ALVON”

“QIZIL” DEGANI EMAS!

“O'zbek tilining izohli lug'ati”dayam, tilshunoslik, lug'atshunoslikka oid boshqa manbalardayam alvon so'zi qizil, qirmizi, ol so'zlariga sinonim o'laroq qo'llanadi.

Aslida alvon arabcha lavn (rang, tus) so'zining ko'pligi bo'lib, ona tilimizga ranglar, tuslar, bo'yoqlar deb o'giriladi.

Ba'zan qo'llanish o'rniga qarab alvon so'zi turfa xil, turli-tuman ma'nosida ham ishlatiladi.

TIYINNING SUVSARGA BOG'LIQLIGI NIMADA?

Xayriddin MUROD

XI asrda suvsar tiyin deb atalgan. Hali pul muomalada bo'lmasa kezlari odamlar turli jonivorlar mo'ynasi qatori tiyinning terisidan ham oldi-sotdida foydalangan. Keyinchalik bu so'z pul birligi sifatida tilimizdan muqim joy egallagan.





"YOSHLAR - KELAJAGIMIZ"
JAMG'ARMASI

Biznes, tadbirkorlik, tahlil, kasbiy ta'lim hamda konsalting xizmati kabi sohalarning barchasini birdaniga qamrab olish hamda ular bilan shug'ullanish ilojisizdek ko'rinyaptimi? Xulosa qilishga shoshilmang!

Zero, yoshlarning jamiyatda o'z o'rnini egallashiga yordam berishni maqsad qilgan "Yoshlar - kelajagimiz" jamg'armasi bunda sizga ko'mak berishga tayyor.

**-Kelajakni birga yaratamiz!
-Imkoniyatni qo'ldan boy bermang!**

O'zbekiston Respublikasi Prezidenti tomonidan yoshlar tadbirkorligini rivojlantirish sohasida belgilab berilgan ustuvor vazifalar doirasida jamg'arma 25 dan ortiq yo'nalishda o'z faoliyatini davom ettiradi.

- ▶ Xususan, yoshlar ishtirokida har bir mahallada yosh tadbirkor liderlari jamoasi shakllantiriladi;
- ▶ startap loyihalari grant mablag'lari ajratiladi;
- ▶ xalqaro miqyosda yuqori nufuzga ega notiqar ishtirokida motivatsion tadbirlar, xalqaro biznes forum va yarmarkalar o'tkaziladi;
- ▶ yoshlarga huquq, buxgalteriya, marketing, brending, bank, sug'urta, mehnat va boshqa sohalarda konsalting xizmatlari ko'rsatiladi;
- ▶ eng asosiysi, yoshlar talab yuqori bo'lgan kasb-hunarlariga onlayn platforma orqali o'qitiladi.

Mazkur tadbirlar orqali 2022-yil yakuniga qadar 850 000 nafardan ziyod yoshlar qamrab olinadi. Ushbu loyihalarda 31 yoshgacha bo'lgan barcha yoshlar ishtirok etishi hamda o'z tadbirkorligini boshlashi, rivojlantirishi mumkin.

71 207 40 11

yoshlarkelajagimiz

ykfoundation

ykfoundationuz

yoshlarkelajagimiz.uz

**YOSHLAR
OVOZI**

Bosh muharrir:
**Hamza
ABDULLAYEV**

Muassis:
O'zbekiston yoshlar ittifoqi
Markaziy Kengashi

Bosh hamkor:
O'zbekiston Respublikasi
Yoshlar ishlari agentligi

Navbatchi muharrir:
Sardor SA'DULLAYEV

Musahhihlar:
**Rashid XO'JAMOV,
Qirmizoy HAKIMOVA**

Gazeta O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 2020-yil II-dekabrda № 0242 raqami bilan qayta ro'yxatdan o'tgan. Gazeta materiallari tahrirat kompyuter markazida teriladi va sahifalandi. Tahrirat manzili: 100083, Toshkent, Matbuotchilar ko'chasi, 32. Telefonlar: (71) 233-22-16, (71) 236-79-95.

"Sharq" nashriyat-matbaa aksiyadorlik kompaniyasi bosmaxonasida, A-3 formatda chop etildi. Hajmi - 2 bosma tabaq. Korxonada manzili: Buyuk Turon ko'chasi, 41. Indeks: 203, 3203. Bahosi kelishilgan haradda. Buyurtma: G-455, Adadi - 10573. Boshiga topshirish vaqti - 21.00. Topshirildi - 20.00.

Saytimizga o'tish uchun QR-kodni telefoningiz orqali skaner qiling.



123456